

Gvangjsih Minzcuz Bau

Cawjguenj: Gvangjsih Bouxcuengh Swcigh Minzcuz Cunghgyau Swvu Veijyenzei

Cawjbanh: Gvangjsih Minzcuz Bause

Geiz neix 8 banj

广西民族报 Aenhauh okbanj: CN45-0036 B.2025 Nd.5 Ng.14 Liggaeuq ietceih nienz ndwenseiq cibcaet Geizsoq: Gungh daih 3668 geiz

Vangz Sinhfu Youq Aen Hoih Daengxcungq Swcigh Dangjveij Minzcuz Gunghcoz Veijyenzei Daegbied Naeuz Gaemndaet Sienqmeh Iugouz Doinyoengx Hwnqguh Aen Gih Guhyiengh Couqmaenh Gij Eiqsik Cunghvaz Minzcuz Ranz Vunz Ndeu Byaij Laeg Byaij Saed

5 nyied 9 hauh, Aen Hoih Daengxcungq Swcigh Dangjveij Minzcuz Gunghcoz Veijyenzei Bi 2025 youq Nanzningz hai, lwnh gij hong bi 2024, anbaiz baijbouh hong youqgaenj bi 2025. Swcigh Dangjveij Cangzveij, Dungcanbu bucanji, Swcigh Dangjveij Minzcuz Gunghcoz Veijyenzei cujyin Vangz Sinhfu camgya caemhcaiq gangjavah.

Aen hoih daegbied naeuz, aeu lai hag rox gij swhsiengj youqgaenj gyaak caeuq gaijndei hong minzcuz Siz

Ginbingz cungjsuhgi, caen lai roxnyinh dawz mbaq rap hong minzcuz dangj seizdaih moq ndei bae. Aeu gaenjdaet hopheux diuz sienqmeh gaiq hong, giethab daengx gih hwnqfat ndei saed, gij saedsaeh Gvangjsih yendaiva yiengh Cungguek caeuq gij ngeix gij muengh gak cuz vunz lai doinyoengx hwnqguh aen gih guhyiengh, laebdaeb ei hagdangz, lajmbanj, segih, giyez seiq dieg neix bae guh hong, haeujlaeg doihaeuj aen hengzdoengh hwnqg bien fouq minz

seizdaih moq, netsaed doihaeuj caezcaemh baenzmiz, laebdaeb gyalag hong gejlwnh lijlun, doinyoengx hwnqguh aen gih guhyiengh couqmaenh gij eiqsik Cunghvaz Minzcuz ranz vunz ndeu byaij laeg byaij saed. Aeu dangrap caen guh, gyaak daengx buenz suenqveh boiqhab, gek fuengz fungyiemj huxndumj, caezcaemh guh ndei hong minzcuz cunghgyau dangj seizdaih moq.

Swcigh fucujisiz, Swcigh

Dangjveij Minzcuz Gunghcoz Veijyenzei fucujyin Huz Fanz cujeiz aen hoih. Aen hoih dingqaeu Swcigh Minzcuz Gunghcoz Veijyenzei gunghcoz baugau, saemjngeix doengvaz mizgven vwnzgen. Swcigh Dangjveij Senhconzbu, Fulenz, Fazcanj Gaijgwzveij, Gyauryzdingh caeuq Nanzningz, Gveilin Siveij Dungcanbu youq aen hoih gangjavah doxlwnh.

(daj 《Gvangjsih Yizbau》 aeu daeuj hoiz Hoz Minzvaz)

Sanhgyangh: Mbanjdung Ngamq Haeuj Seizhah Nazmbaeklae Gyaueuet

5 nyied 11 hauh, daj gwnzmbwn ingj aeu doengh nazmbaeklae Sanhgyangh Duncuz Swciyen Duzdung Cin Dangzauz Cunh caeuq Cihliuz Cunh, doenghnaz gyaundeir raixcaix. Ngamq haeuj seizhah, nazmbaeklae dangdieg raemx rimrwd, sawdikdik, caeuq gyoengq ranz laeuzfaex diuqga miz daegsaek, roen gauhsuz ngutngut ngeungeu gapbaenz fuk veh ndei yawj raixcaix ndeu. Geij bi neix daeuj, aen yienh neix comzrengz henhoi yiengh mbanj gaeuq minzcuz vunznoix, doinyoengx henhoi aen mbanj gaeuq caeuq baeyouz yawj vwnzva, guh reihnaz miz daegsaek dox yungzhab, hawj Mbanjdung gaeuqgeq dauq hoenghwdhwd.

(Gungh Bujgangh ingj)



Dujva Minzcuz Doxgiet Youq Mbanjyauz Hoengh

Geij bi neix daeuj, Fungsanh Yen Bingzloz Yauzcu Yauzcu Yangh aeu couqmaenh gij eiqsik Cunghvaz Minzcuz ranz vunz ndeu guh sienqmeh, cauhamoq aen vunqsik “dangjen +”, aeu minzcuz doxgiet yungzhaeuj gizgiz yienghyiengh vwnzva swncienz, vunz lai guh yienghsaeh, guenjieix lajmbanj bae, mboujduenh doinyoengx gak minzcuz caezcaemh doxgiet buekguh, caezcaemh mwnhoengh hwnqfat.

Vatcimh gij swhyenz minzcuz vwnzva Lanzdenyauz, buedcienz 45.9 fanh maenz hwnqbaenz aen cunghsim vueddoengh minzcuz vwnzva Lanzdenyauz Mbanjbahyez caeuq aen guenj minzsuz vwnzva, comz langhbaiz dinfwngz guh buhvaq Lanzdenyauz, guh gij goenhsoij ngaenz, siulaeuj

doengh gij neix. Cauhamoq hengzguh “feihyiz fwnz feiz dajveh”, dangjiyenz bouswnjcienz feihyiz doengvaz “bohsae faek lwgsae” son dinfwngz bouswnjcienz 40 lai bous, langhbaiz feihyiz, cienz hag dinfwngz doengh gij yienghsaeh neix 40 lai ciengz, ndei daengz vunz lai 2000 lai vunzbaez. Yen cozgyah hezvei bae mbanj Lanzdenyauz Bahyez guh caijfungh, caijfungh cawjdaez dwg couqmaenh gij eiqsik Cunghvaz Minzcuz ranz vunz ndeu, caemhcaiq soengq 《Hoi Ziengj》 cek saw ndaej Mauzdun Vwnzyoz Ciengj caeuq 《Minzcuz Vwnzyoz》 doengh gij saw neix hawj aen cunghsim vueddoengh minzcuz vwnzva, doinyoengx hwnqguh aen suenranz cingseanz caeuq minzcuz

doxgiet baenaj caemhyamq.

Gaemdawz seizndei guh ciet, doengvaz “dangjiyenz daiqdaez, vunz lai caeuqfaenh” gij vunqsik neix, daengx bi guh yienjheiq, doiq fwen, biujyienj minzsuz vwnzva “dohgaiq” doengh gij yienghsaeh neix 12 ciengzbaez. Cauhamoq doiok langhbaiz ndangdaenz minzcuz, ngaizdaizraez doengh gij hanghmoeg miz daegsaek neix, ciuyinx 5000 lai bous vunz lai caeuqfaenh. Hwnqbaenz fungh guhhong feihyiz 30 lai aen, dieg swncienz minzcuz vwnzva 3 aen, lailai gungganq daemj Mancuengh, guh buhvaq Lanzdenyauz doengh gij canjnieb miz daegsaek neix, aeu yiengh saehbaenz baujhoh vwnzva aeundaiz cienjbaenz aen “canjnieb

vuenyungz” hawj bousminz lai miz ngaenz roengz daeh.

Cauhamoq “muengxgek saekhoengz + yiengh romfaen” guenjieix vunqsik, aeu daengx yangh faen baenz 10 aen muengxgek hongsaeh minzcuz caemhcaiq boiq miz 80 bous dangjiyenz bousmuengxgek, bau benq fucwz. Caez youq 8 aen mbanj comzyouq minzcuz vunznoix doihengz “yiengh romfaen” guenjieix, aeu goeng’ ik fugsah, diuzgaij doxndaq doxdawz doengh gij neix gvihaeuj daengx aen romfaen bae, vaggej ndaej ndei ranznden doxdawz doxndaq 87 baez, baengh romfaen gij saeh iq neix bae guenjieix ndei lajmbanj, coihaeuj gak minzcuz lai doxcunz doxgyau doxyungz.

(Vangz Yaulunz)